

Na osnovu provedenog otvorenog postupka javne nabavke po Obavještenju o javnoj nabavci objavljenom u „Službenom glasniku BiH” broj 93 od 16.12.2016 godine.

1. KANTONALNA UPRAVA CIVILNE ZAŠTITE KANTONA SARAJEVO, ul. Hamida Dizdara br. 1. Sarajevo, koju zastupa direktor mr. Mustafa Kovač (u daljnjem tekstu: kupac) i

2. „LIV-S“ d.o.o. Visoko, Zanatski centar „Sebilj 2“ b.b., 71300 Visoko, Bosna i Hercegovina i koju zastupa direktor Vehid Bešliagić (u daljem tekstu: prodavac) dana 10.03.2017. godine zaključili su:

U G O V O R

o nabavci i isporuci specijalnog vozila za probijanje i čišćenje kanalizacije

I - PREDMET UGOVORA

Član 1.

Predmet ugovora je kupoprodaja roba – Nabavka i isporuka **novog Specijalnog vozila za probijanje i čišćenje kanalizacije** (u daljnjem tekstu: vozilo) prema tehničkoj specifikaciji navedenoj u tenderskoj dokumentaciji, koja čini sastavni dio ovog ugovora.

II - CIJENA

Član 2.

1) Ukupna vrijednost robe definisane u članu 1. ovog ugovora koja je osnovica za obračun uvoznih dadžbina iznosi **256.604,90 KM (Slovima: dvijestotinepedesetšesthiljadašeststotinačetiri i 90/100 KM).**

2) U cijenu nije uključena provizija Prodavca u iznosu od 23.395,10 KM bez PDV-a (slovima: dvadesettriiljadetrivotinedevadesetpet i 10/100 KM bez PDV-a) .

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupne iznose iz stava 1. i 2. ovog člana isplatiti na račun Prodavca broj: 134-600-1000-640-573 otvoren kod „ASA Banka“ d.d. Sarajevo.

III - NAČIN PLAĆANJA

Član 3.

Ugovorne strane su suglasne da će Kupac ukupnu vrijednost iz člana 2. stav 1. i 2. ovog ugovora isplatiti u roku od 31 dan po primljenoj fakturi za isporučenu robu, ako prilikom primopredaje Kupac nema primjedbi na isporučenu robu ili na drugi način ako je drugačije navedeno u ponudi.

U slučaju da se prilikom primopredaje sredstava i opreme, konstatuju nedostaci i odstupanja od tehničkih specifikacija datih u Ponudi broj: 7 od 27.01.2017. godine, Kupac se obavezuje da će isplatu izvršiti odmah, a najkasnije u roku od 31 dan nakon što Prodavac otkloni nedostatke konstatovane u Zapisniku o primopredaji roba iz člana 8. stav 1. ovog Ugovora.

Prodavac je saglasan da Kupcu neće zaračunavati zatezne kamate za zakašnjenje pri plaćanju preko «Trezora», ako je Kupac u ugovorenom roku predao nalog za plaćanje, a Prodavac primio uplatu s odgodom od jednog ili više dana od ugovorenog roka iz stava 1. ovog člana.

IV- ROK ISPORUKE

Član 4.

Prodavac se obavezuje da će vozilo iz člana 1. ovog Ugovora, isporučiti najkasnije u roku od 120 dana od dana potpisivanja Ugovora, na adresu:

Hamida Dizdara br.1, Sarajevo.

Član 5.

Ugovoreni rok isporuke vozila iz člana 4. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

Član 6.

Ukoliko Prodavac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 30 dana, Kupac ima pravo na raskid Ugovora.

V - KVALITET ROBE

Član 7.

Prodavac se obavezuje da isporučena vozilo iz člana 1. ovog Ugovora, bude traženog kvaliteta, odnosno kvaliteta koji je dat u ponudi koju je Kupac odabrao kao najpovoljniju.

Kvalitet vozila koja je predmet ovog Ugovora, kontrolisat će predstavnik Kantonalne uprave civilne zaštite Kantona Sarajevo.

Primopredaju vozila između Prodavca i Kupca izvršit će predstavnik Prodavca i Kupca- Kantonalna uprava civilne zaštite.

O navedenoj primopredaji vozila i pripadajuće opreme sačinjit će se Zapisnik o primopredaji, odmah, a najkasnije u roku od 3 dana, od dana prijema vozila i pripadajuće opreme (putem otpremnice), koji će potpisati predstavnik Prodavca i predstavnik Kupca.

Član 8.

Sva eventualna odstupanja i nedostaci, prilikom primopredaje vozila, konstatovat će se Zapisnikom o primopredaji vozila.

Prodavac se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 10 (deset) dana, od dana potpisivanja navedenog Zapisnika.

Ako u navedenom roku Prodavac ne otkloni primjedbe konstatovane Zapisnikom o Primopredaji navedenog vozila, Kupac zadržava pravo da raskine Ugovor.

VI - OBAVEZE PRODAVCA

Član 9.

Prodavac je obavezan Kupcu dostaviti bezuslovnu bankovnu garanciju za dobro izvršenje Ugovora u visini 10 % od vrijednosti Ugovora. Period važenja garancija je rok isporuke +60 dana. Ako prodavac ne dostavi tražene garancije u roku od 15 dana od dana potpisivanja ugovora, neće se pristupiti realizaciji ugovora.

Član 10.

Prodavac se obavezuje da će ugovorene obaveze izvršiti blagovremeno, u ugovorenom roku, stručno i kvalitetno, sve prema dostavljenoj Ponudi.

Član 11.

Prodavac se obavezuje da će, prilikom primopredaje vozila iz člana 1. ovog Ugovora Kupcu predati svu potrebnu dokumentaciju traženu u Tenderskoj dokumentaciji i to:

- potvrda o usklađenosti vozila (homologacija),
- garantni list za vozilo.

VII - OBAVEZE KUPCA

Član 12.

Kupac se obavezuje da će izvršiti uplatu ukupne cijene vrijednosti ugovorenog vozila iz člana 2. ovog ugovora, na način predviđen u članu 3. ovog ugovora.

VIII - UGOVORNA KAZNA I RASKID UGOVORA

Član 13.

Ukoliko Prodavac ne isporuči ugovoreno vozilo iz člana 1. ovog ugovora na dan utvrđen u članu 4. ovog Ugovora, Kupac zadržava pravo naplate penala u iznosu od 0,1 % za svaki dan zakašnjenja od vrijednosti robe.

Ukoliko isporuka kasni duže od 30 dana, Kupac zadržava pravo jednostranog raskida ugovora i realizaciju bankovne garancije.

Razlog za raskid Ugovora može biti i stečaj, likvidacija ili drugi oblik prestanka postojanja Prodavca ili više sile.

Član 14.

Kupac je dužan pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim ugovorom.

Ukoliko ne nastupi ni jedan slučaj koji bi zahtijevao realizaciju garancije za izvršenje posla Kupac će po konačnoj realizaciji ugovora izvršiti povrat dokumenta koji predstavlja bankovnu garanciju po prestanku važenja istih.

Član 15.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

IX – GARANCIJA ZA IZVRŠENJE UGOVORA

Član 16.

Iznos garancija iz člana 9. stav 1. ovog ugovora bit će plativ kupcu kao kompenzacija za bilo koji gubitak koji bi bio prouzrokovan, ako Prodavac ne izvrši obaveze utvrđene ovim Ugovorom.

Ukoliko ne nastupi ni jedan slučaj koji bi zahtijevao realizaciju garancije za dobro izvršenje Ugovora u periodu važenja garancije, kupac će po konačnoj realizaciji ovog ugovora po isteku tog perioda izvršiti povrat bezuslovne bankovne garancije.

X - PRELAZNE ODREDBE

Član 17.


Ugovorne strane su saglasne da eventualne sporove u vezi ovog Ugovora rješavaju dogovorom, u protivnom nadležan je sud u Sarajevu.


Član 18.

Ovaj ugovor je sačinjen u 4 (četiri) istovjetna primjerka, od kojih Prodavac zadržava dva, a Kupac dva primjerka.

Član 19.

Ugovor stupa na snagu danom potpisivanja ugovornih strana.


PRODAVAC
„LIV-S“ d.o.o. Visoko
Vehid Bešliagić


KUPAC
mr. Mustafa Kovač

Broj: 204-03/17
Sarajevo, 10.03.2017. god.

Broj: 22-44-1924-13/16
Sarajevo, 10.03.2017. godine